

զի իւրեանց հացն յայնցանէ է: Եւ կարծեմ թագաւորին էճէլն են. նաև ի թէքիր տաղը եղեալ ժամն ֆրէնկաց տուեալ է փլուցանել: (Մեղրոնեան առ Հ. Մկրտիչ Անանեան, 1761 Յունիվ. 10. [Ս. Ղազար]):

միդ.

Իմացայ որ զՀ. Մկրտիչն ի Հոսմ կարգեալ են առ ժամանակ մի ի վերայ հայ ուսանողաց զօլէճի փրօփականտային, և թէ ունի ընդունելութիւն առ մեծամեծս սուրբ ժողովոյն...: Հրաման ել յարքայէ Երկրիս զրգումամբ խույումճի պաշուն թողուլ խույումճոց զկէտիկ ունողաց՝ զժօրուք. և թողին բազումք գրեթէ ամենեքին: (Հ. Զարարիա առ Մեղրոնեան, 1761 Յունիվ. 12. [Կ. Պոլիս]):

միե.

Վասն սառաֆողլու սարգիս վարդապետին յայտ լիցի, զի յաւուրս յայտօսիկ խօսեցայ ընդ նմա. և նա պատմեաց ինձ, և ասէ, թէ ոչ ևս երթայց ի թօխաթ, այլ ի տեղի իմ դնելոց են զահագին սահակ վարդապետն. և ես այժմ ի խնդիր եմ առնուլ դրամս ի պատրիարգէ վասն ֆրաւսուն հալածման, և ի մտից աթոռոյ եւրոկիոյ ըստ չափու տարւոյ միոյ. և յուսամ կուտել ընդ ամենայն իբրև զչորս տաղանդս առ այժմ: (Հ. Իզնատիոս առ Մեղրոնեան, 1761 Յունիվ. 19. Կոստանդնուպոլիս):

միզ.

Վասն պատերազմաց հաստատեն աստ, թէ ստուգապէս տաճիկն յառնէ ի վերայ վենետիկեցոց, ուստի ի բազում տեղեաց լուաք, թէ զվէնէտիկու էլչին ըմբռնեալ եղեալ են ի եէտիղուլէն: Իսկ զտաւունին աստ սկսան ասել զնեբհակն գրեցելոց ի գերյարգութենէդ, այսինքն թէ կացուցեալ են զնա ճէնէռալիսիմօ բացարձակ. այսինքն անկախ ի ճէնկ տիվանիէն վէնայու. և զյովսէփն ընդ Երեսուն հազարաց մաճառից յղեն ի պատերազմ. սակայն ի ներքոյ կառավարութեան տաւունին. յորոց յայտ է թէ ամենայն ինչ է անստոյգ: (Հ. Մկրտիչ առ Մեղրոնեան, 1761 Մարտ 28. [Հռովմ]):

միե.

Վասն տօնանմայի քաղաքիս (վասն նորոգ ծնեցելոյ շահ սուլթան դստեր թագաւորի), զուցէ գրեալ են այլք, զի յայտ նուագ առաւել եղև քան զառաջինն փառագարդութիւն դրանց ապարանից մեծամեծաց, և տեեաց զաւուրս եօթն, և տուաւ համարձակութիւն ամենեցուն առհասարակ առնել ուրախութիւն յամենայն տեղիս: (Հ. Իզնատիոս առ Մեղրոնեան, 1761 մայիսի 19. Կոստանդնուպոլիս):

միը.

Ընկալայ զգիր գերյարգելութեանդ. և իմացայ զէութիւն իրաց: Սակայն ասես թէ թարգմանութիւնն յովսեպոսի ճառից խանգարեալ իցէ. մերքն չունին ժամանակ իբր ի նորոյ թարգմանել զբոլոր գործն: Մի վասն այտորիկ խորհիցիս հայր պատուական. զի չէ որպէս կարծեսդ. թարգմանութիւնն յուսամ թէ չունի հարկ այնպիսի մեծի սրբագրութեան, զի մեք աստէն՝ որքան է մերս կար՝ յետ ըստ ամենայնի թարգմանելոյն՝ ընդ հայր զաքարիային վերստին սրբագրեցաք: Եւ եթէ ի տեղիս ոմանս պատահամբ սխալ ինչ անցեալ իցէ՝ նոյնն յաչաց վրիպմանէ պատահեալ՝